

明

史

明史卷二百八十二

列傳一百三十三

汪應軫

鄭本公

趙漢

章儵

許相卿

方鳳

彭汝實

顏濟

張錄

張祿

鄭洛書

汪應軫字子宿浙江山陰人少有志操舉正德十二年進士選庶吉士大學士毛紀聞其名欲一見之竟不往十四年詔將南巡應軫抗言旬下詔以來臣民勞瘁莫有固志臨清以南率棄業罷市逃竄山谷苟不節收威命恐變生不測昔谷永諫漢成帝謂輶

厥高美之尊號并匹夫之卑字數離祭宮擬身履
與群小相逐典門戶奉宿衛者執干戈而守空宮其
言切中乎今夫谷永諧諛之臣成帝庸闇之主永嘗
有言而成帝能容之豈以陛下之聖明不能俯納直
諫哉跪入留中繼復偕修撰舒芬等連章以請跪闕
門受杖幾斃教習事竣擬授給事中有旨補外遂出
為泗州知州州土瘠民惰不知農桑應軫至者勸之
耕買桑而植之募江南女出教以蠶織織作由是民
足衣食帝方南征中使絡繹道路乘勢橫索應軫率
鄉夫耆舊入列水次舟至即挽之出境遂免騷擾車

駕駐南京命州進美婦善歌吹者數十人應珍奏言
此土子女荒陋無以應勅旨臣向募有桑婦備家納
之宮中俾受藝事費于治化有裨事遂寢世宗成祚
召為戶科給事中父老送者皆泣下山東鎮盜王鏊
等作亂分掠東昌兗州流入畿輔河南境應珍奏言
弭盜大畧不出撫剿二策撫之莫善于推擇守令剿
之策其要有六離間賊黨一也收用材豪二也固
扼險要三也廣開告訐四也明賞罰以勸士五也別
首從以納降六也且弭盜與禦寇不同禦寇之法驅
之境外而已若弭盜而縱使出境是嫁患于隣國也

請著令凡一方有弊不行撲滅致延蔓他境者傳錄
重論報可京師諸鋪戶例以十年編審尚方有所需
先輸物于官而後給直此給又多侵損民大因應軫
具陳其害請罷編審之制依時估給直語甚切至下
所司議頗未其言司禮監典簿奉壽散官軍俸於戶
門外設座南向應軫勅其無人臣禮且言銀多減耗
宜下吏按治尚書林俊去位抗章乞留將報聞應軫
在科歲餘所上凡三十餘疏咸切時弊以便養乞致
南還調南京戶科是時張總桂萼在南部方議違薄
獻皇帝雅知應軫名欲倚以自助應軫與議不合即

奏請遵禮經崇正統以安人心不報嘉靖三年春出
為江西僉事居二年具疏引疾不俟命而歸為煥按
所劾詔所司逮問應軫自陳親老鮮兄弟乞休侍養
吏部為之請乃命免逮久之廷臣交荐起授官視江
西舉故又以父艱歸服甫闋病卒鄉人重其操行私
謚清憲先生

鄭本公朔州衛人正德九年進士歷御史武宗不豫
時國本未建中外危懼本公上言昔漢唐中葉國統
數絕倉卒之際援立昏弱卒貽國家無窮禍今災異
迭興宗藩屢叛正以儲位未定萌覬覦之心中外

民咸懷憂畏望陛下以宗社為重密與執政大臣議
慎選宗室之親而賢者正位東宮以繫天下之望不
報世宗嗣位及冬而乾清宮成帝由文華殿入居之
本公獻言曰是宮也八年營構一旦告成陛下踐祚
適與期會固居安之日亦思危之時也臣以為思不
在遠請卽以此宮為鑒夫此宮何以災也由先朝群
小逢迎燕遊無度俾夜作晝遂致焚燒然則遠群小
而節燕遊以防一朝之患者陛下可不思乎先朝營
建此宮亦已有年惟不以後嗣為念故一日之安未
享萬歲之後無託而以屬之陛下然則重妃配而廣

樂嗣以為子孫萬世之計陛下可不思乎新宮之成
必祭告郊廟社稷而後入居者所以敬其始也然未
入而致敬不可既入而怠忽陛下得不思慎終如始
兢兢業業常如天祖臨之而不敢以幽獨肆乎陛下
昔居文華密邇外庭群臣封事朝奏夕下今一入深
宮臣恐天顏遠絕由近侍以傳言將因鬼以見帝陛
下得不思並勤延訪以防壅蔽之弊乎陛下昔居文
華侍從簡朴供御儉素今一入深宮臣恐珍奇之玩
妖冶之容亂聰明而惑心志陛下得不思遏欲將萌
疎遠聲色以防燕安醜毒之患乎此宮始作勞費實

多殫天下之財力失天下之心曾不顧恤陛下
觀輪奐之美得不思竭民脂膏幾何疲民筋力幾何
而重興作惜財力永以先朝為鑒乎帝嘉納之踰月
帝欲加興猷帝皇號本公力言不可嘉靖改元春本
公以京師窮民多饑凍致死請出粟賑濟戶部言故
事窮民悉收入養濟院其無籍者收之蠟燭幡竿二
寺表布薪米厨料之類歲費萬金皆無其實為奸徒
侵冒而二寺又添設內官校尉多乾沒罔利致窮民
無所得食今當盡復舊制專屬其事于二縣五城而
罷內官校尉弗談帝悉從焉出按遼東劾罷奸貪剽

總兵張銘都指揮周輔還朝論救給事中劉最忤旨
切責二年十月時享太廟帝不親行本公與同官彭
忠禕極言報本禮重遠代非宜報聞明年三月帝欲考
興獻帝且立廟禁中本公偕同官力爭謂孝宗雖未
嘗親育聖躬然守此鴻業而傳之陛下以及子孫萬
世者果誰之德與陛下潛邸之日則為孝宗之姪與
獻王之子臨御之日則為孝宗之子與獻帝之姪可
兩言而決也至於立廟大內實為不經獻帝之靈既
不得入太廟又空去一園之祀而托享於大內焉陛
下之享太廟其文曰嗣皇帝于獻帝之廟又當何稱

愛敬精誠兩無所屬恐獻帝之神將威然不安是繼
下之孝既不得專致于太廟而所以奉獻帝者反為
瀆禮而不足以盡其心矣帝怒責其朋言亂政奪俸
三月其年六月帝愈欲考獻帝以席書為禮部尚書
召張璠桂芳入京于是群情洶洶本公偕同官四十
四人連章言芳首為亂階璠再肆欺罔黃綰如鷹犬
張咏旁嗾黃宗明如奴隸攘臂橫行方獻夫居中內
應以成夾攻之勢席書陰行間謀以收漁人之功卒
之尚書之命由中而下行取之旨已罷再頒大臣因
此而被逐言官由之而得罪難往日瑾彬之奸流禍

亦不若是酷也不納已而偕廷臣伏闕哭諫繫獄廷杖還職尋遷通政泰議九年不調以疾請改南京乃授大理寺丞稍遷南京太僕少卿謝病歸二十年官刑部如點賁準等會符詔許召用不赴卒

趙漢亨鴻遠平湖人正德六年進士據建昌推官提學副使尋夢陽檄毀淫祠有司率顧望漢署府事一因而毀者十五治獄明決上官才之擢南京戶科給事中嘉靖初尚書林俊以執奏獄囚尋陽鳳被旨詰責漢時為兵科上言近日貴倖之臣根據左右而太監崔文允興讒亂政令論文罪者多矣陛下不聞已

有詔旨則曰所司知之文巧壅蔽逞奸欺行道之人
皆知之陛下獨不知耶且文之壽終豈特死一廝養
李陽鳳而已陽鳳之事猶小也文快心之大者在能
矯詔獄以制人能致尚書以回奏能加信官以詰非
亮其雄勢臣恐其不亂不已也近二部尚書趙璜受
牒發文家人之罪文執捕具牒者痛杖幾死此之曰
此杖寄與趙尚書其故橫無狀至此則其斥辱大臣
如前此劉瑾之為者不患其不能也望急賜譴逐毋
俟為新政累不聽說而言官多得罪漢疏言忠臣言
事蹟數微則紀忌諱侵近律而奸邪遂側目以圖之

於是責之以輕率妄言律可奪也坐之以不諳事體
官可罷也古由中擬力可回天欲加之罪患無辭乎
夫以內臣之私憤而滅天下之公言戕天下之士類
使中外以言為諱相率而為阿徇以避中傷之禍宜
不歲安乎殆我報聞三年同廷臣哭爭大禮逮繫詔
獄復廷杖之歷吏科左給事中尋以疾去八年起故
官明年遷工科都給事中疏言內閣桂萼翟鑾稱病
三月未嘗以曠職懇辭張璁久專政機亦未聞其求
賢共濟在萼有獲餽之戒在鑾有伴食之誚在璁有
去履之嫌乞諭鑾萼亟去簡用兩京大臣及家歸者

舊以分總任帝覽奏不悅摘其謬字詰之諭總毋辭
避遣役促其赴闕總疏謝因言漢忠于君謀宜令其
備列塔任內閣者以進帝從之即令漢舉其所欲用
者漢惶恐言臣冒昧無知妄欲總引賢共濟初無私
主帝起責漢對不以實趣以名上漢益懼言輔臣簡
命出自朝廷即有疇咨亦非小臣所敢干預帝乃宥
之止奪俸一月尋出為陝西右叅政告歸久之以故
官起山西不數月復致仕子伊嘉靖十一年進士歷
廣西副使年甫四十即以養父乞歸部檄屢徵竟不
起伊子邦秩萬曆初進士終海門知縣

章僑宇處仁蘭谿人正德十二年進士授行人嘉靖
元年擢禮科給事中疏劾中官蕭敬為景賢等又上
言三代以下論正學莫如朱熹近有聰明才智足以
號召天下倡異學之說而士之好高務名者靡然宗
之於是取陸九淵之簡便誠朱熹為支離及為文辭
務崇艱險乞行天下痛為禁革令御史梁世驄亦言
之帝然其言下詔禁飭如僑指明早上言陛下高拱
穆清之上付萬幾于章奏臣下得接清光不過早朝
頃刻間耳奉天奏事徒為觀聽之具文筆講讀畧無
間難之言如此則朝講何益哉乞依祖宗故事早朝

班超許百官以次啓事經筵日講時賜清問容勿或
臣恒勤召對又簡儒臣十數人俾更番入直便殿以
侍咨訪則上下交孚而應敵不生矣上頗納之時奸
人何淵請立世室于太廟東北僞力言其不可未幾
又言臣聞諸處添設織造內臣貪橫殊甚初至有獨
歲時有節饋行戶有規則樣段動以數千帑造各道
奉數稍不稱意輒遭毀裂有廢產鬻予以償者其為
毒若不可勝言而臣方視為利藪道路傳言浙江
太監梁瑄運重寶龍織造原竊為天下慮此舉動
也依惟明詔停革與天下更始疏入不省又明年條

劉營務因勅定國公徐光祚陽武侯薛倫不職倫遂
辭任尋疏論張璠霍輅首為厲階帝書方畎夫朋此
附和桂萼竊取唾餘攘臂不顧宜并斥之以謝天下
國官張嵩曹懷亦以為言皆不聽孝陵司香內使谷
火用黃緣其黨奏乞還京治疾僞疏抗言大用等初
連逆瑾後引寧彬樹八黨之克釀十六年之禍致先
帝不得正其終賴陛下明斷謹斥人心稍快不知大
用何所窺矚一旦故違詔旨敢行陳乞若不早為遏
絕恐乘間伺隙群兇競起不至復亂天下不止也章
下所司五年孟秋時享太廟帝遣京山侯崔元代僞

疏諫且言奉命臨時倉皇就位誠哉何存帝怒奪其俸兩月歷禮科左給事中出知衡州府終福建布政使

許相卿字伯台海寧人正德十二年進士世宗立授兵科給事中宦官張銳張忠已下獄論死帝復寬之相卿抗言銳忠罪惡載在刑書百死莫贖乃忽降明旨更許城死天下望陛下為孝皇陛下顧自處于正德之紛亂愚臣所未解也帝議如與獻帝皇疏相卿疏爭嘉靖二年詔廢中官張欽義子孝賢為錦衣世襲指揮廷臣秉之不得相卿復抗疏曰曩尚書亦諫

再造社稷官其子冕止錦衣千戶今尚書王守仁成
定汀贛官其子其憲止錦衣百戶賢乃中官廝養而
歷叙風過之果忠勳大臣之裔曾不若近侍之奴拘
國勦事之臣其誰不辭醜乃部臣彭澤科臣許篈禮
安磐相繼言之而陛下悉拒不納毋乃重違內侍而
輕拒士大夫哉相卿見時政乖違不勝憂懼乃上言
夫市致權出于一則治二三則亂公卿大夫參議則
治匪人僭于則亂陛下總統之初登用老成嘉納忠
謫裁抑佞倖竊強懷邪可謂明且剛矣曾未再期偏
聽私昵執政亟行得毋明少蔽乎剛少遜乎操縱殊

得其術而陰伺索竊者得居中制之如崔文公
周上師保臺諫言之而不聽羅洪載守職逮繫廷
疏七十上不行近又死崔文之奴奪法司之守片
林俊以違旨怒言官之奏擾事涉中人曲降溫旨犯
法不罪請乞必從此與正德朝何異哉賢智之士雖
欲竭忠盡節不可得矣俊國之望也其去志決矣俊
去而類俊者必不能留然則陛下將與二三近習私
人共理天下乎夫今日之天下與先朝異在武宗時
勢已貼危然元氣猶壯調劑適宜可以立起何也承
睿宗之澤也其在今日病難稍蘇而无氣已竭調劑

無方將至不起何也。承武宗之亂也。然則陛下可不
慄然覺悟乎。伏願深察亂機。收還政柄。取近習。最無
良如崔文者。置之重典。然後務學親賢。去讒遠色。延
訪忠言。深恤民隱。務使官府一體。上下一心。而後天
下可為也。未幾。以給事中李學曾。章僑。主事林應驄
皆言事無倖獲。上疏諫。指帝氣驕。志怠。甘蹈過。僞其
詞。甚切。為給事王年所。言皆不見聽。遂謝病歸。知縣
以政事致興。從相卿曰。今日責人。即曩時諸生也。奈
何。後為里黨擁益。乘輿使父老走匿。乎且吾諫不入
公府。無所事。此力却之。八年。詔養病三年。以上不起。

部者悉落職間任相卿遂廢計五年吏部疏舉遺缺
有詔起用竟不赴要言故與相卿為僚既秉政貽書
招之謝弗應上築紫岩山與田父相爾汝且就飲食
不以責人目之者輒投袂起知縣重其行為之樹坊
相卿念當往謝乘小舟泊東城外黎明伺門聲趨縣
治前再拜去清風峻節卓然于時予聞造萬曆間以

舉人歷御史

方鳳字時鳴崑山人與兄鵬同舉正德三年進士授
行人九年擢南京御史副使胡世寧被逮疏請寬之
故北臺出按真定諸府武宗南狩疏論七事言不

宜徵索婦女納之行宮又極陳災眚屢見宜修德以
謹天戒皆不報世宗嗣位疏論兵部侍郎楊廷儀奸
佞貪黷廷儀者大學士廷和弟也帝以廷和故優容
之而言者論不已廷儀竟自引去時帝欲追崇與獻
王大奸張銳張忠輩將黃緣進死鳳偕同官上言太
禮廷議禮官所考定實令天下之公而陛下留中者
月餘致獻猶希寵之徒皆立異說以冀睿聽願陛下
割恩從義克己由禮則大孝立而治本端矣張銳張
忠罪與楊寧同科而賦臣蕭敬輩曲為黨庇致法司
坐坐一死乃疏復留中半月御史屠僑奏趣之始令

會繼臣聞其扶布重賄交通宮掖將圖滅朕願陛下
毋惑近侍之言勿徇宮戚之請早賜裁決則大法正
而治具張矣因請帝勅御經筵容納直諫一言一動
師保是依毋使內臣干政跪入報聞帝既尊興獻王
為帝復欲加以皇號鳳復跪言非禮嘉靖改元秋南
京大風雨拔陵木壞民居大江湧潮至丈餘鳳上言
災變之來率由人事感召今經筵無容詢之賢率臣
步延紂之禮獨祖之詔方下而違敕並急沙汰之令
竊願而傳奉踵至信內監之言而取摘御史因繫都
曹徇外戚之請而非功受封無名賜第大奸如張銳

革止從謫戍而百萬私藏仍歸舊案積惡如滿智等
止令降秩而入官賦物仍還罪人此皆蠹政之大者
願陛下痛加整省力祛弊政而歸之正道庶乎災變
可弭帝竟不能用也二年出為廣東提學僉事旋謝
病歸鵬字時舉既登第授禮部主事嘉靖初累官吏
部郎中皆在南京出為浙江泰議還山西提學副使
具疏乞休不許遂徑歸初大禮議起南京主事張璠
輩力請考輿獻王舉朝排之鵬獨是其議後璠輩用
事引鵬為同志即家召拜春坊右庶子兼翰林院修
撰尋充經筵講官居二年擢南京太常卿復謝病去

明年詔覈託疾不赴官者罪之遂落鵬職閒住初鵬
與鳳同以學行相砥此議禮各持一說不相下然鵬
雖由此致通顯而意殊邑邑不自得故未久遽退既
而人皆家居相友爱放情文酒足跡不履官寺鄉人
並賢之始二人議禮不合世宗亦知之嘗作自得有
述一篇中言今世降理微人欲熾威彼附和者無足
怪所惜者師生兄弟朋友乃通于勢利互有乖睽如
少師楊一清為喬宇之師而師之言不從矣桂華為
少保茅之兄而弟不親矣湛若水為尚書方獻夫之
友則友而疏矣時勢利奪人之速可垂世戒哉一清

止言字不聽臣言若水背獻夫之論是誠然矣若華
能持正論聞華之學多自其兄啓之未可盡非也帝
報曰朕聞大興有得而述因嘆兄弟邪正殊遠桂萼
桂萼之如此方鵬方鳳之如彼故吁嗟之餘抑揚不
平得卿言朕將易之蓋帝誤以廷臣之事大禮為附
楊廷和而然也

彭汝實字子克嘉定州人正德十六年進士授南京
吏科給事中忤直敢言嘉靖三年春南京大水疏請
設策賑濟又言九江盜起殺傷官軍甚衆操江都御
史伍文定不即議剿應城伯孫鉞擁兵不出俱乞降

昔切責帝華從之修撰呂樞編修鄒守益以事大禮
下詔獄謫官汝實抗章論抹又因災異上言通者黃
風黑霧春旱冬雷地震泉竭揚沙雨土加以群小蔽
長盜賊公行萬民失業木異革妖時時見告天變示
土地變于下人物變于中而修省之詔無過具文廷
際之間忠邪未辨以遂迎為合禮以守正為治五長
鯨巨魴決網自如腴田甲第橫賜無已此皆臣等不
能明日達聰之責也今陛下春秋已邁志學豈可徒
恃堯舜之資而不加聖心乎側聞經筵進講畧無問
難黃閣票擬依常批荅素燕閒于女寵委腹心于貂

瑞二廖諸張尚然緩死季隆蘇緒竟得無他如此而
望天意之回人心之感不可得矣報聞六年大學士
費宏以子坐事逮繫被論不出禮部侍郎溫仁和以
慶王名錄事聽劾汝實言宜聽二臣避位以明進退
之義因荐右瑄羅欽順顧清蔣冕可代宏李廷相崔
銑湛若水何瑋許誥可代仁和章下所司奸人王邦
奇之計廷和彭澤也汝實言邦奇先後兩疏始為惶
駭之語終羅鄒囊之辭中所引事多顛倒淆惑至謂
費宏右瑄夜入楊一清之門事易可見今既不聞召
問一清而一清又久不為白何也陛下即位之初廷

和裁者冗員數萬坐此叢怨罷去今其長子棠字錫
愚發達亦可已矣而群小蓄怨蔓連不已并其次子
及婿又復下獄夫誣告之律視其所誣輕重反坐此
國法也願追究主使之人與告人同罪無令苟免貽
議外蕃不聽汝實數言時政缺失又嘗力爭大禮為
常事者所惡先是以親老欲便養既乞改近地教職
因遵詔例舉貢士高任說王表自代不許至是考滿
復中前請常事者欲中之下吏部奏看因言汝實偶
言鼓衆抗亂大禮且與御史方鳳程蔭克朋黨通賄
自知考舉不容乃欲辭尊居卑不當聽其倖免遂奪

職間任奉親結廬山中講授生徒竟不復用故實與
慈寬及大理少卿徐文華給事中安磐皆同里同時
以敢言著聲稱嘉靖四諫

顧濟字海卿崑山人正德十二年進士授行人擢刑
科給事中武宗晚年巡遊無度國本未建中外以為
憂車駕自南都還卧疾豹房惟江彬輩侍左右人踏
並危疑濟上言通聖體德和舉朝憂懼夫人情之至
親而可恃者莫如母子今陛下孤寄于外兩宮隔絕
骨肉日疎聖心所恃以為安者復何人哉昔漢高帝
卧病數日樊噲排闥入見誓以趙高之事今群臣

宣無憂會之憂者但拘于形迹不敢自盡願陛下
擇廷臣更番入直凡起居動息咸使與聞一切淫巧
戲劇傷生敗德之事悉行屏絕則保養有道聖躬自
安不報再逾月而帝崩世宗即位之月濟上疏曰伏
見陛下踐阼消除宿弊殆盡言官教陳並見采錄誠
下臣民莫不懽忻踴躍思見德化之成然立法非難
守法為難聽諫非難樂諫為難今新政所釐正多不
便于奸豪權倖之家臣恐盤據既深玩縱未已非依
特旨嚴必請託左右萬一持法不固弊源少開則此
革將叢聚而壞之陛下雖欲復正其末不可得也此

臣所以慮守法之難也昔唐太宗貞觀初每導群臣
使言及至晚年諫者乃多忤旨陛下首開言路臣工
思贊盛治靡不因事納忠高遠者似涉于迂濶切直
者或過于犯顏要之皆忠義所發有利國家陛下若
怒其犯顏則言必不入視為迂濶則計必不行如此而
欲忠言日聞于前惡可得哉此臣所以慮樂諫之難
也尋復上言陛下臨馭以來首剪群惡天下翕然稱
明然奸黨尚存未幾伺隙傷善類以快私讐執邪說
以拒正論未敗者思固寵既敗者冀瓦全此誠治亂
安危之機不可不慮臣請以內外所上章奏下吏部

考覈其尤闇昧非常者屬言官奏劾以彰國法且
奏批答或下部議或取上裁祖宗自有故事今內
張雄張銳張忠十經傳寶張信孫和陳汝等誅誤先
帝陛下業已遠治及其奏辨又獲寬假豈左右親信
巧為營救而陛下過聽之耶臣願斷以大義批答悉
如舊章事有違法使言官得以封駁諸司得以執奏
則小人無所售奸而法紀可以復振帝降嘉納之既
而勅司禮太監蕭敬棠庇罪人張銳等惑亂聖聽故
縱太奸都御史張翰刑部尚書張子麟侍郎顏順壽
兼旨會訊依違詭隨無大臣之節乞海賊罪罷子麟

等不聽帝欲加興獻帝皇號。濟疏言其不可。明年待
養歸。越數年卒。子章志字行之。嘉靖三十二年進士。
亦起家行人。歷刑部。部中出為饒州知府。章志守官
廉善。聽斷在部。讞獄明恕。及至饒。饒人健訟。決遣不
踰信宿。胥吏無所售奸。頻歲旱。醵賑救以時。歷廣西
按察使。萬曆五年進表還。便道歸里。會予紹芳成進
士。為庶吉士。即稱病家居。閏七年用薦。以故官改淮
山東。累擢南京兵部侍郎。南京故有馬快船。供中貴
進奉。船戶累千人。承其役者。輒破產。章志請減船額。
船戶毋僉派。官為給直。權募由是積害頓除。比章志

卒官都人祖祭江濱哭聲震野為立祠祀之紹嘉興
寶甫官終春坊左贊善為人溫粹雅飭見推館閣顧
氏雖三世仕官而資產不及中人為鄉里所重
張錄字宗制城武人正德六年進士授太常博士擢
御史嘉靖初同廷臣伏闕爭大禮下獄廷杖出按畿
輔劾宣府諸將失事忤伏辜五年七月西域番迷貢
獅子西牛方物其使言所貢玉石計費二萬三千餘
金往來且七年進中國重賞錄上言明王不責異物
今以獅子各飼一羊是歲用七百餘羊也以銀針之
當五省餘兩矣牛食易菽常也今乃食以粟餅則食

人之食矣况留蓄以馴養于內飲食賜賚難以數計
奈何以有用之物當此無用之數哉願返其猷歸其
人薄其賞以阻其希望之心帝不能用張璪擢兵部
侍郎璪與諸御史合疏爭之不聽時璪與桂萼屢疏
攻大學士費宏錄亦言宏以子懋良犯罪繫獄再疏
乞休陛下既溫旨慰留之及璪等屢劾又復如常批
荅溺三臣之愛持兩可之心致宏去志決璪等忤心
未已今水旱相仍變異迭出正大小臣工修省之時
而諸人爲國股肱相傾排若此欲弭災變不亦難乎
乞並黜三人以回天譴帝于是戒諭璪等如錄指劄

年總政侍御總臺事修前恨言錄不諱憲體宜施綱
遂罷歸家居二十年卒時與錄同為御史有張祿者
平原進士嘗按湖廣歲大侵繪饑民圖以獻帝將召
大司巡撫王大用為右都御史掌院事祿言大用不
協衆望遂止不召與錄並疏敢言坐事罷官終河南
泰議亦不竟其施焉

鄭洛書字啓範莆田人父祥由鄉舉官電白教諭洛
書弱冠登進士即請假省父于電白縣有兵亂祥幾
不免會洛書至以計脫于險奉之歸洛書謁選得止
海知縣俗善訟為擇高年有行者為里長鄉老命以

時勸行遜讓而懲其不率期年訟漸息立義塚建社
學設社倉一切規制咸備危者摘發奸伏嘗舟行見
沉屍厓以磨石察令隸偵諸村落見民家有磨而夾
其牡洛書曰此是也召訊之乃奪卜者卦而殺之者
又嘗行見人焚屍而哭不哀問之曰吾嫂也居數日
有新母出莫得踪跡者洛書曰得毋向所焚者耶集
其隣訊之其人故無嫂發其冢得婦人首則訴者之
母也由是一邑號為神明嘉靖四年召拜御史禮部郎
中陳九川為天方國通事所許詞連大學士費宏謂
九川以玉帶珞之唐事張璠桂萼方欲傾宏遂重劾

九川謫戍洛書與同官鄭氣上言九川之事人謂應
夢與謀用已得罪公論而宏辭受取予之際終亦未
明夫朝廷固有紀綱大臣當重進退臣謂宏與璉等
皆不可以不去宏不去則有持祿保位之誚璉等不
去亦冒躋田奪牛之嫌惟早賜裁斷詔責洛書安言
時帝賜尚書趙鑑席書詩翰洛書因言陛下春禮大
臣此虞廷賡歌之風也願推此心以念舊如致仕太
臣劉健謝遷林俊孫交等特降宸章咨訪時政則聖
德益宏又推此心以赦過如遷謫盡熙劉濟余寬王
苑選等特垂仁恩量與牽復則聖澤益廣報稱永福

達獄起法司以讞鞠失指皆下詔獄帝將親鞠之洛
書上疏力爭曰陛下操獨斷之威使法官不得伸其
職是雖有張釋之于定國皆不得抗辯于人主之前
何以使刑罰得中哉帝怒將罪之大學士楊一清力
解而止尋出視南畿學政洛書在臺嘗論荐尚書王
守仁羅欽順楊旦彭澤邵寶祭酒魯鐸及論救給事
中楊言鄭一鵬御史魏有本郎中葉應騄主事唐樞
繆宗周皆為時所稱十二年四月京察事竣更命科
道官互相糾劾諸給事有惡洛書者中之遂落職給
事中饒秀亦為御史所劾無所泄憤復劾洛書及王

重賢改汝礪施山周寵徐淮許廷桂萬夔張樹九以
不職重賢等亦皆降黜時論駭之洛書負俊才好辯
有口明習天下事廣座中常屈其儕輩卒亦以此自
屈家居再踰歲而卒年三十九子開往依上海上海
人相與治田百畝資之令間歲一至收其入以歸
論曰應軫諸臣抵掌時政切劇主闕庶幾古之遺直
也而身不見庸禍亦罕及豈非幸乎迨嘉靖遺詔錄
舊言官則以得罪重輕為差而諸臣遂弗獲邀追卹
之典亦可憫也已

明史卷二百八十三

列傳一百三十四

鄭自璧

劉世揚

解一貫

楊言

陸聚

魏良弼

葉洪

錢徽

戚賢

劉繪
子黃裳

鄭自璧字采東祥符人隸籍京師舉正德十三年進士改庶吉士除工科給事中世宗踐阼中外競言時政得失自璧請采有聞化理者類輯成書以併觀覽從之初正德中奄人用事多侵奪畿民世業為莊田至是民訴之遣使往勸自璧復併言內使莊頭斷民

侵削狀帝命勘者嚴治民患稍除嘉靖二年四月府
父陳萬言辭黃華坊賜第請西安門外新宅詔予之
自壁以所請之宅已鬻之民不當奪與戚畹且時方
修省土木豈宜妄興上疏爭之而其同官安磐亦言
寵遇戚里不宜太過皆不聽明年伏闕爭大禮受杖
三遷至兵科都給事中宣府守備王經從戍籍復官
自壁言經以失事謫戍今乃聽其飾辨必有左右為
先容者此而倖免何以示懲請如前詔罪之又明年
中官李能以修墩堡為詞請定山海關稅額自壁疏
爭曰山海東控邊陲西藩都邑鄉設守臣部司止令

詰奸禁暴非為推統計也今能名為繕造實征商自
利遽詔厲民不宜聽許御史許中劉昶等亦以為言
帝皆不納時掄甘肅禦寇功內官張忠尚書金獻民
等皆廢子錦衣其下泰隨亦悉進秩自壁言繕造臣錄
功宜也乃叙及泰隨縣遷一級何其濫耶况獻民與
都督杭雄遵例各擢二十人而忠乃至九十人均行
遷賞冠裳猥及輿臺名器賤于瓦礫非所以勸功開
崇爵秩也不報既而鎮守江西太監黎鑑所構泰隨
踰于常額太監武忠從子英冒功擢副千戶自壁並
請除汰詔減鑑泰隨之半時錦衣官裁革者多黃錄

復職而司禮監奏收已汰諸匠近五百人兵部並極
言不可自壁復疏爭之俱報聞孝陵淨軍干喜者赦
正德朝大瑞也至是擅赴京奏辨希復用自壁抗疏
請加罪詔遣喜還守陵寢故安遣伯許恭戍海南死
其子濬請襲祖職指揮并免軍役帝皆許之自壁言
恭罪重惡稔不誅已幸不宜許之襲職又除尺籍以
屈法而長奸不從先是太監扶安卒親屬官錦衣者
八人自壁偕同官力爭不聽及太監黃英死復招官
英弟姪八人為錦衣且令掌事自壁等復執奏言英
縱有微勞為治瑩建祠足云報矣又令其弟姪為錦

表指揮者二十戶者一副十戶者二百戶者三鎮撫
者一八人中尚有異姓如陳吳者官爵之濫至此而
種且以八人計之廩祿歲糜占役不少非第名器可
惜侵冒之弊又何可不急懲也帝亦不從初自瑩嘗
偕同官劾武定侯郭勛奸貪帝方眷勛不問及李福
達事起復劾勛交結妖人得旨誥責六年三月宣府
失事自瑩等劾總兵官傅鐸而薦卻永可代并劾鎮
守中官王玳巡撫周金副將時陳等罪鐸遂逮問陳
琥冠帶而玳金責立功贖罪禮部侍郎桂萼借違事
請起用王玳詔下吏部議自瑩率同官與御史譚麟

等疏言瓊貪汙險賊罪宜追治等援引奸邪亦請
論帝不納自璧最號敢言所言又皆閹權倖由是直
聲震朝野而群奸皆側目共為蜚語聞于上吏部嘗
以資次推自璧太僕少卿不見用至是科道互劾中
旨言鄭自璧一門三黜清議有乖可降二級調外任遂
謫江陰縣丞命下朝論大駭而大臣方幸其去無撓
者後數年廷臣多論荐竟不復召

劉世揚字實甫閩人正德十二年進士改庶吉士除
刑科給事中世宗即位議加興獻帝皇號世揚疏諫
嘉靖初內官吳善良以事當下法司都察院牒司禮

監召之其黨請于帝以善良付司禮帝即手批原牒付刑科行之世揚言祖宗之制凡降詔旨必書于題奏疏揭或登聞鼓狀乃發六科宣于諸曹或國有大事上命先發諸曹必補牘于次日早朝進之無有竟批于文牘者今詔旨忽從中出使六科不得抄傳諸司無從補牘玩褻天語更張舊制竊為陛下重之報聞已列上先朝直臣舒芬馬汝驥王忠汪應軫張原等二十人請加恩數以旌忠直由是諸臣各進秩一等二年四月帝以災異修省世揚言去冬無雪入春無雨陛下側身修行一念感格雨雪隨降苟擴而克

之日延儒臣咨訪治道更做古人几杖箴銘之義取
聖賢格言書之殿廡則燕閒獨處固非齋肅之時于
以轉災為祥不難矣帝納之歷吏科左給事中七年
偕同官劾罷兵部尚書王時中頃之進都給事中與
同官李仁劾詹事顧鼎臣不可居沃心之任且言今日
詹事即他日輔臣帝怒詰詹事進輔臣出何典例世
揚等惶恐引罪帝怒不解予杖下詔獄既而釋之八
年二月帝以久旱躬禱世揚率同官劾群臣從官之
不虔者且言在獄繫囚及建言誦成諸臣怨咨之氣
上千天和請悉行疏釋協雷雨解之義帝不能用大

學士張璉桂萼既獲劾罷帝責諫官不言世揚等請
罪得宥己而世揚偕六科諸臣盡劾璉萼之黨言自
璉萼柄用員恩行私中外縉紳趨附日衆廉恥掃地
如總督尚書王瓊納賄起用朝野共知諭德彭澤中
允孫承恩大理寺丞葉忠御史儲良才皆考察貶黜
乞哀權門首壞國典此五臣者惡宜斥罷順天府尹
黎典中允廖道南編修金瑤阿媚小人清議不齒金
都御史李如圭大理少卿曹直南京太常卿方鵬鴈
章附合遷擢太驟此六臣者宜分別黜調刑部郎中
劉汝親工部郎中丁洪員外郎金述韶附鮮耻驟遷

京職而汝親尤號貪汙吏部郎中胡森主事王激建
部員外郎張敬御史教誠憑藉鄉戚濫居清要而故
尤工營競司業江汝璧以姻連躐通顯待詔葉幼學
以門館濫清階刑部員外郎張宸太僕丞姚奎編修
張宸給事中魏良弼御史陸夢麟戶部員外郎郭憲
皆出入權門有干清議此十五臣者當參酌去留時
廷臣競起而攀摠茅之黨皆下之吏部而尚書方猷
夫亦摠茅黨也于六科所劾但去珰鉞奎汝親教憲
良才幼學八人而已未幾世揚復偕同官趙漢等陳
修省八事一養和德二釋猜嫌三議久任四廣起用

五獎廉介六抑奔競七重巡方八優言路語皆切時
弊其言獎廉介謂大學士石琚生平貞介沒未易名
尚書李繼圖之盜臣身後遺金顧寅緣得謚皆公論
之不平者其言優言路謂給事中鄭一鵬坐論楊一
清再受杖削職今一清既敗則一鵬之言已鑒宜復
其諫職先是世揚發璉等之黨見憾于璉而一鵬者
又嘗忤璉等以大獄罷去者也是時璉已再相而琚
實前賜謚璉因激帝怒謂給事言皆妄帝乃責世揚
等欺罔謫世揚江西布政司照磨而停漢等俸然璉
賜謚恭敏亦由此追奪世揚屢遷河南提學僉事等

歸卒世揚有學行既以直諫顯及外遷亦所至有聲
縉紳莫不重之

解一貫字魯唯交城人正德十六年進士除工科給
事中陳講學修德親賢孝親任相遠奸用諫謹令戒
欲恤民十事世宗嘉納之嘉靖元年偕御史出覈牧
馬草場帝命御馬監內臣凡新舊圖冊悉送一貫等
審勘內臣閻洪等惡其害已奏遣中官一人與俱一
貫等抗言臣等奉詔行勘弊已清十六七今增遣內
臣如益薪止沸舉前功而盡棄之請勿遣便帝納其
言卻命已之還朝劾太監谷大用李璽奪產殃民宜

真重典先後司其事者楊金杜堂等亦當逮治帝雖
宥諸人罪而內臣助戚所據莊田率歸之民矣時帝
為后父陳萬言營第窮極壯麗一貫力請裁節楊廷
和等爭織造一貫偕諸同官亦疏陳其不可皆不納
歷刑科左右給事中四年寧夏鎮將种勲行賄京師
為東廠所擿得其簿籍一貫奏請窮治雲南巡按御
史郭楠以建言廣東按察使張祐副使孫懋以稽辱
官校逮治御史方啓顏以杖死宦官家人落職元城
知縣張好古以拘責戚畹家族錫級一貫皆論休忤
旨停俸明年進吏科都給事中教授王价錄事錢守

勅以考察罷退假議禮希復用帝將許之一貫等語
如此將壞祖宗百年之制啓小人僥倖之門事竟寢
時張璉桂芳日攻擊費宏不已一貫心疾之復偕同
官上言宏立朝行事律以古大臣之義固不能無議
但自入仕至今未聞其有大過至于璉芳平生奸險
特以議禮一事偶合聖心自超擢以來憑恃寵靈凌
轢朝士與宏積怨已久欲奪其位而居之其屢行政
許非真為國家也陛下以其累疏俱付所司而于其
終乃曰爾等宜各修乃職助朕至治詳繹斯言所以
陰折其奸謀者至矣夫何二三臣者不體朝廷至意

或專攻宏或兼攻璉等不知能去宏而不能去璉等
也何也君子難進易退小人則不然宏恤人言顧廉
耻猶可望以君子若璉等則小人之尤何所忌憚苟
其計得行則奸邪之氣勢愈增善類之中傷無已天
下之事將大有可慮者矣乞陛下戒二人勿事攻擊
成國家協和之治詔下所司一貫遇事敢言竟以侃
直忤時謫開州判官卒

楊言字惟仁鄞人正德末進士授行人嘉靖四年授
禮科給事中閏數日即上言通者仁壽宮父諭群臣
修省臣以為責在公卿而不在陛下罪在諫官而不

在聖躬夫朝廷設六科所以舉正欺弊也今吏科來
職致陛下賢否混淆進退失當大臣蔣冕林儀革去
矣小臣王相張洪卿革骨得禍矣而張璉桂萼始由
捷徑以竊清秩終怙威勢以賊善良戶科失職致陛
下儉德不聞而陽和土地張畬革請索無厭鹽商掛
號崔和革敢亂舊章禮科失職致陛下享祀未格于
神而廟社無憚懽之庀兵科失職致陛下綱紀廢弛
而錦衣多冒濫之官山海攘袖分之利匠役增收而
不禁奏帶踰額而不裁刑科失職致陛下用罰不中
无患如藍革革得寬稽決之法節臣如郭楠革反施

器械之刑工科失職致陛下興作不常局官陸宣輩
走傳諭于常制內監陳林革抽解及于蕪湖凡此皆
時弊之急且大而足以拂天意者臣等曠綏之罪復
何辭哉願陛下念致宋之由勤修庶政而罷臣等以
憂有位庶可格天心弭災變帝覽奏愠甚以時方修
省但以簿籍責之奸人何淵力主世室之議言勅淵
清亂不經詰正其罪時廷臣多力爭者帝終惑其說
言復抗章曰祖宗身有天下大宗也君也獻皇帝舊
為藩王小宗也臣也以臣並君亂天下大分以小宗
並大宗干天下正統無一可者夫獻帝雖有盛德昨

若周文武之叛興王業也而欲襲世室之名糾義
以獻帝為自出之帝是前無祖宗也以獻帝為禍而
宗之是後無孝武二帝也陛下前既罪醫士劉忠之
言今乃網罟之說前既俞禮卿席書之議今乃弗書
之言臣不知其何謂也先是帝惡廷臣多託疾不之
官下詔禁之言謂人臣請急良非得已今若竟罷不
行非所以體群臣通下情也請自今覈實放歸而居
卿不謹者黜之則私情公法並行矣詔從之楊一清
之召入柄政也言請留之三邊既而特旨拜張璁兵
部侍郎言以璁貪佞險躁且新進未更國家事抗章

諸罷總弄勅吏部尚書廖紀引用匪人同官解一貫
等亦相率諫辭不納有投匿名書御道者言跪請即
燒之報可迨六年而王邦奇之事起邦奇欲害楊廷
和彭澤揣帝意惡之因借哈密事請誅廷和澤昇及
金獻民等數十人帝內喜其言下部議未報而邦奇
復誣大學士費宏石瑄陰庇廷和詞連廷和子主事
惲等將興大獄舉朝知其寃莫敢言言獨抗疏曰先
帝英駕汪彬手握邊軍四萬圖為不軌內外洶洶矣
廷和密謀行誅賊頃事定迎立聖主此社稷之勲也
縱使有罪猶當十世宥之今既以奸人之言罷其官

成其長子矣乃又聽邦奇之誣而盡逐其鄉里親戚
誣為蜀黨何意聖明之朝忽有此事至于宏珪乃天
子師保之官百僚之表也邦奇心懷怨望文飾奸言
詬辱大臣熒惑聖聽而陛下入曖昧之辭成師保之
獄豈小人之言必可信大臣之行必可疑耶書奏帝
震怒并收繫言親賴于午門群臣悉集言併極五毒
折其一指卒無撓詞既罷下五府九卿議于是鎮遠
侯顧仕隆等覆奏邦奇言皆虛妄帝難責仕隆等徇
情而獄亦得解誦言宿州判官御史程啓充請還言
舊任不聽稍遷溧陽知縣歷南京吏部郎中坐事再

謫知夷陵累遷湖廣泰議又為讒人搆罷言為外吏
多著聲績深陽夷陵皆祠祀之

陸槩字子餘長洲人少善屬文同里王鏊見而奇之
曰此子必以文名天下嘉靖五年舉進士與袁袞等
二十人並選為庶吉士槩七試皆第一時張璁桂萼
壻視諸翰林盡出吉士為部曹縣令惟槩以才高得
為工科給事中槩勁挺敢言七年二月疏言自古禍
亂之源生于壅蔽而壅蔽之害由于上下之不交我
朝自太祖以至宣宗大臣造膝陳謀不啻家人父子
以故上下交孚底于盛治自英宗幼冲踐阼未能親

決萬幾當時大臣苟為權宜之計常朝奏事先日預
擬旨行違自餘政事俱具疏封進沿襲至今君臣間
隔永無面議之時今陛下銳意圖治不求禍源之所
在而去之欲望天下之治不可得也願每日朝罷退
御便殿延見大臣面決庶政侍從臺諫輪日奏對撫
按藩臬廷辭入謝召見訪以便宜復妙選博聞有道
之士更番入直講論經史從容啟沃如仁宗弘文閣
故事則上下情通而天下事無不畢陳于前矣帝不
能用既而言用人數事謂今吏部資格獨重進士致
舉貢無階上進州縣教職待之過輕人不樂就王官

終身不遷同于禁錮皆宜稍為變通遠方長吏視內地猶重不可輕付庸才宜除告就遠方之令鹽法馬政國之大事而行太僕苑馬鹽運皆不擇人何以興利剔弊因具陳四事曰久任使慎考察汰冗官而終之以復制科言天下固有高明倘僅不能應有司之繩墨者宜倣唐宋制科之法特設一科以待異才必博洽經史曉暢治道兼工文詞者始應之數歲一舉每舉不過數人高者儲之禁近其次分置諸曹先有官者遷進馬廐人才畢出野無遺賢帝是其言下所司議行惟制科報罷尋命偕御史和元洪清裁馬房

錢穀兩人精心剔抉積弊頓清而群小失利撓之者
方御馬太監閻洪屢以虛詞惑上聽繫等抗章折之
卒得請八年張福猷母獄起帝入東廡言以都御史
熊浹讞決不當褫其職于是法司震懼刑部侍郎聞
淵大理丞簡霄辭疾不出侍郎許讚會鞠時禁不敢
發言而少卿曾直至為使詞附和舉朝皆知東廡之
誣莫能別白為帝言者獨繫與同官劉希簡各上章
極論帝怒俱下詔獄杖三十釋復職事具熊浹傳當
是時總筭並居政府專擅朝事中外疾之若讐給事
中孫應奎王準糾發其私帝猶溫旨慰諭繫不勝憤

上言曰：璉等死險之資，幸僻之孽，曩自小臣贊議大禮，蒙陛下拔置近侍，不三四年，位至宰弼，恩隆寵異，振古未聞。乃敢罔上，逞私專權，召賄擅作，威福報復，恩仇璉、璉，狼戾自用，執拗多私，而其術猶疎，為害猶淺。華外若寬，廷中實深刻，忮忌之毒一發，于心如螻蛇猛獸，犯者必死。臣請姑舉數端言之：尚書王瓊奸險貪惡，正德朝交結權奸，濁亂海內，罪不容誅。璉受其賂遺，鉅萬連章力薦璉，從中主之，遂得起用。呂化伯邵杰本以邵氏養子，爭襲伯爵，璉納重賄，竟使叔隸小人，滋膺封爵，世冒羞與為伍。璉所厚醫官李夢

鶴假托進書資緣受職居室相隣中開便戶往來
與等家人吳從周等為之居間又引鄉人周時望為
選郎交通鬻爵時望既去胡森代之森與主事楊麒
王激又輔臣之鄉里親戚也餘司要地盡布私人點
涉予奪惟其所欲故等與選僅踰年引用鄉故不可
悉數如致仕尚書劉麟其中表親也侍郎嚴嵩其子
之師也僉都御史李如圭由按察使一轉而徑入內
臺南京太僕少卿夏尚朴由知府期月而遂得清卿
禮部員外郎張敬假歷律而結知懷金錢而請託御
史戴金承風搏擊甘心鷹犬此皆等之姻黨相與朋

此為奸者也。禮部尚書李時柔和平，逢猾狡多智，南京禮部侍郎黃綰曲學阿世，虛談眩人，輸德彰澤，黃緣改秩躐玷清華，此皆陰厚于璫而陽附于璫者也。璫等威權既盛，黨與復多，佞諂成風，人心敗壞，天下畏而惡之，莫敢頌言其非，不亟去之，臣恐亢人之性不移，將來必為社稷患也。疏入，帝大感悟，立下詔，暴璫等罪狀，罷其相。由是都人拊掌大快，稱繫奇男子。爭傳錄其疏，帝顧以繫不早發也，下之吏。既而詹事霍輅力詆繫，謂楊一清竇熾之希簡，言璫去位實由聖斷。烏有言官為人所使，可以繫去之者？止使去。

謂之喉言官朝廷耳目乃此之于大經侮朝廷甚矣
上方曲全輔臣輜顧啓以衰薄上方虛衷求諫顧
啓以猜疑願戒諭輜毋鼓私說惑眩主聽而是時帝意
已回竟召總還奪一清官下希簡詔獄釋還職而輔
聚貴州都鎮驛丞聚讀書如平時士子執經請業謀
授不輟稍遷永新知縣縣多盜乃損益保伍法召諸
窩盜者賞其罪令立功自贖前後獲盜數百人悉斃
之姦猾屏跡久之以念母乞歸里居十八年內外掄
荐凡三十餘疏皆報罷霍輜亦有疏荐聚聚曰天下
事大壞于衆人之手尚欲以餘波汚我耶母歿毀甚

未終喪而卒希簡字以順漢州人舉同年進士除行人擢工科給事中甫五月而以直言得罪由是聲稱大振久之謫為縣丞終鞏昌知府王準字子推世籍秦府儀衛司銓嘉靖二年進士授高平知縣入為禮科給事中巡視京營劾武定侯郭勋專恣罪明年劾璵薦薦引私人璵等雖罷而準亦下吏謫富民典史稍遷知縣都御史汪鏐希璵指以考察罷之
魏良弼字師說新建人嘉靖二年進士授松陽知縣召拜刑科給事中八年奏修舉馬政三事皆議行帝性苛察官校緝事者因緣為讒惡採木侍郎黃衷事

竣歸家屢疏乞致仕未許官校妄奏袁潛入京師
起下之吏部部臣言袁實還里帝意不釋竟奪袁職
良弼言袁乃大臣出入人所共瞻假令入都豈能終
隱乞正言者欺罔之罪不報張璵桂萼初罷相有詔
察其黨給事中劉世揚御史吳仲等議及良弼吏部
言其素行無過得留任尋命巡視京營提督五軍營
保定侯梁永福貪污不職劾罷之武定侯郭勛總督
團營其家奴私以軍中鼓吹給道士良弼劾勛引
罪帝宥勛罪其家奴太僕卿曹直遺失庫籍懼罪跪
言必奸人所匿帝命袁弼覈實良弼言無之直坐罷

直良弼鄉人也其不阿如此已而奏團營兵政之弊
謂營將効忠訓練者積二十餘年而不調闕茸廢弛
者經數十年而尚存賢否不分人何所勸是曰賞罰
無章往者每隊五十人立一教師步騎刀弩各期達
用今雖有此試之法而把總管隊者不得舉行至提
督此試不中程則并把總等官坐罪人懷微幸之心
寧受不辜之罰是曰操練無術武備所以日渝也請
復教師之例大加簡閱而責成之第其功罪以為懲
勸詔從之十年冬京師大疫良弼請發太倉粟及內
帑銀賑濟報可南京御史馮敷等十人以劾吏部為

者王璽被逮良弼抗疏請釋之帝怒并下良弼
論贖還職仍奪俸一年三遷至禮科都給事中十
年八月彗星見東井芒長丈餘良弼引占書言彗星
晨見東方君臣爭明彗字出并奸臣在側今大學士
張孚敬驕恣專橫竊弄威福致奸星示異乞亟罷黜
孚敬奏辨謂良弼濫舉京營武職臣請下部審覈遂
奪其俸以故扶私報復時帝已疑孚敬兩疏皆報聞
會給事中秦鰲疏再入孚敬竟罷去踰月良弼復偕
同官劾吏部尚書汪鏞專恣邪佞帝意方向鏞奪良
弼俸由是鏞孚敬俱憾良弼明年元日副都御史王

應鵬坐事下詔獄良弼言復端之始不宜以微過出
繫大臣帝怒再下良弼詔獄獄卒見其至訝曰公又
來耶為之垂涕尋復職奪俸時孚敬復起柄政與鑑
修前却必欲中之會考察京官鑑欲黜良弼而無名
乃以考察後復命科道互相糾劾意得假臺評黜之
及御史合糾七人又無良弼名孚敬益怒擬旨切責
全吏部再考鑑乃以良弼及秦鰲葉洪數人名上皆
前勅孚敬及鑑者也中外大駭良弼竟削籍隆慶初
詔起廢籍以年老即家拜太常少卿致仕卒天啓初
追謚忠簡

葉洪字子源德州人嘉靖八年進士授戶科給事中
諫直敢言學士穆孔暉進講後期帝怒謫官洪以孔
暉有學行疏請留之國子監故有膳夫銀分給諸生
為日費祭酒許誥請還之戶部洪上疏力爭得如故
府縣微輕罪許罰殺倖荒長吏遂因緣乾沒以洪言
命撫按稽核十一年舉舉新教禮于園丘帝不親祀
洪疏諫曰新教與大報名雖不同其為郊天一也祖
宗以來無不親饗成化弘治間或有他故寧再卜期
不過謂郊祀禮重不宜攝以人臣耳今既聖躬違和
宜從改卜帝謂新教禮輕責洪妄言尋巡視京營武

定侯郭勛以軍額不足請選軍餘充之兵部持不可
洪言京軍坐耗國儲已為冗濫若一時選補四萬餘
人餉糈從出誠欲充實營伍第當按逃亡之籍勾覈
可號健者補之何必紛然召募部議稱善帝從之進
工科右給事中汪鋐遷吏部尚書洪抗疏極論其奸
忤旨奪俸明年考察鋐修怨遂坐洪浮躁貶寧國縣
丞居二年大計外吏復奪職言者屢訟其寃終不復
用卒于家同時秦鰲字子元崑山人孤貧力學登嘉
靖五年進士授行人擢兵科給事中奏南京守備三
弊因劾魏國公徐鵬舉中官顧義不法狀義遂罷逮

十一年秋彗星見鰲刻張孚敬強詞飾奸姑賢病
且言天子之權不可下移今孚敬擬議詔旨輒引以
自歸若大權在其掌握此所以上干天怒下拂人情
臣愚謂不去孚敬天心終不可回也疏入帝嘉其忠
謫遂放孚敬歸已而孚敬再相汪鋐承風指以考察
謫鰲東陽縣丞累遷福建右叅議卒官張裕字仁弘
長洲人洪同年進士除刑科給事中時帝好以強詞
折廷臣廷臣震悚多緘默自容裕甫拜官即上言人
臣進言于君靡不晝夜思朝則夕改其以至誠感
悟君父若加以詰責則詞無不窮摘其小疵則意無

不格且天子以一身應萬幾多慮或以損心多怒或以傷氣屬詞答難每至頻繁非所以養和平來志鍊也願陛下怡神接物定志圖幾大無我之心充虛受之量庶謏言日聞幽隱畢達疏入忤旨切責已坐勅祭酒許誥下詔獄謫福建布政司照磨累官襄陽知府張寅太倉人嘉靖初舉進士歷南京御史禮部侍郎黃綰以議禮得帝眷寅疏論其十罪張等敢罷政寅言大臣去國誼不忘君今季敬二句而馳三千里若小丈夫悻悻之為者此豈大臣之誼哉且其險邪盡致不可悉數陛下雖知其奸而去之猶未足盡事

請追所賜封誥銀章之屬明正其辟又言左都御史
汪鑑陰賊邪媚陸贄所謂諂諛顧望畏愼鑑兼有之
宜亟放逐帝怒誚高唐判官累遷南京文選郎中會
簡宮僚改春坊右司直兼翰林院檢討未幾劾罷
錢薇字懋垣海鹽人少有志行嘉靖十一年舉進士
即受業於湛若水既官行人泊然自守惟與同年生
蔣信輩朝夕問學朝右重其行擢禮科給事中時禮
部尚書夏言與吏部侍郎霍輅交詆訐薇以為非大
臣體奏請戒勵俄論違事言宜令將帥家丁得自耕
塞下田毋征其賦總督大臣宜假便宜得專制關外

如先朝王驥故事格不行大學士李時工部尚書溫
仁和外戚蔣翰及尚書言有過薇皆劾奏又劾司禮
中官不職疏多不報出數湖廣廣西錢穀偏販下邑
上官所不至者薇必躬歷手較簿書不以委掾史積
弊為清靖州千戶四人稔惡為民患力言于巡撫顧
璘罪之遠近快焉還進右給事中朔國公郭勛怙寵
請復鎮守內官擅易置宿衛將校薇憤然曰此吾死
杖下日矣疏其不法七事帝雖眷勛然素知其驕橫
兩不問已因星變極言主德闕失所致帝深銜之未
幾十八年疏諫南巡坐奪俸時內閣夏言革所選營

僚多以徇私劾罷詔專責吏部推舉薇偕都給事中
呂應祥給事中任萬里乞如會推故事集內閣九卿
公舉抑奔競之徒使勿進庶簡擢得人疏入帝扶前
轍並斥為民累薦背報寢薇歸時集鄉里晚進與之
講學足跡不及公府倭患起策鄉邑必先受禍請于
巡撫王忬集兵為備鄉人德之卒年五十三隆慶初
贈太常少卿薇從父琦琦子奎皆進士琦臨江知府
奎由禮部員外郎調德慶州同知攝州事有善政卒
無以殮州人購而歸其喪

臧賢字秀夫金椒人家世力農不知學高祖通年九

十餘觀其子孫樸鄙居恒執執臨沒拊床歎曰天固
靳吾一儒家兒耶及賢稍長聞通絕語輒憤悒自誓
必為儒曉夜誦讀竟登嘉靖五年進士授歸安知縣
省厨傳平徭役躬行郊野問疾苦悉知閭里奸豪有
犯輒窮治性不惑神怪縣有蕭總管廟報賽無虛日
賢入廟諭諸賽者曰天久旱若能禱神得雨甚善否
則毀其廟取土偶沉之既而禱不驗竟沉之河居數
日賢舟行經其地木偶自水躍入舟中侍者皆失色
賢徐笑曰是特未焚耳命焚之顧岸傍有社祠潛令
健隸易服入其中誠之司俟水中人出械以來已而

果獲數人蓋奸民慕善汨者為之也由是遠近畏服
知府萬雲鵬剛勁操下急賢數以事忤之當上計有
毀雲鵬者將被黜賢直走吏部白其枉時桂萼為尚
書見賢以知縣爭事部堂心異之雲鵬竟得免以喪
去起知唐縣召為吏科給事中十四年春當大計外
吏守令中考功法一斤不復用而是時言事諸臣忤
柄臣意者率假計典錮之賢以臺諫拾遺但劾不宜
留者即譴斥未嘗莫或論救乃先事上疏言類年以
來內外黜陟不無偏枉孽子孤臣多蒙隱禍非所以
崇獎忠臣廣自新之路也願推廣德意倘黜幽之典

有朱惕公論者聽臣等即時論救伸其抑枉帝覽奏
稱善從其請先是叅議王臣章商臣言事忤要人給
事中葉洪以劾汪鑑被謫至是米皆在黜中時賢方
勘事陝西給事中薛宗鎰因據賢疏伸救而吏部持
不可帝遂命已之及賢還朝以鑑恣橫實張孚敬庇
之乃條其罪爰曰輔臣孚敬布腹心以操吏部之權
隱利害以箝言官之口卽如考察一事陛下曲聽臣
言許其中實正以防大臣行私也今言官爲葉洪諸
人辨救而孚敬曲庇冢臣巧言阻遏陛下有充舜知
人之明輔臣負伯鯀方命之罪放流之典具在惟

下以威斷之疏入帝納嘉賢言而重建學校
等竟不能復也再以喪去補刑科都給事中是時
言枋國會當選庶吉士言不能無私賢疏言常吉之
選所以儲材輔弼乃竟躁競成風請屬不絕又教習
之法徒事文藻不務本根詭時諂俗樹立者少臣請
抑競黜浮慎加遴簡毋泥甲第毋限名額而又擇仁
賢為之師勿徒拘常格庶國家得真才之用帝頗納
其言由是言及館閣大僚咸不悅二十年疏劾朔國公
郭勛肆逞克狂假擅威福吞噬徧天下乞亟行廢黜
太廟災率同官復劾勛及尚書張瓚樊繼祖李廷相

都御史王廷相胡守中少卿李開先戴儒侍讀胡經
司業王同祖不職宜罷而薦南京尚書聞淵熊浹劉
天和郎中王畿主事程文德叅議徐樾註誤被廢都
御史萬鏜侍郎呂柟太常卿魏枝御史程啓克馬明
衡給事中魏良弼與葉洪王臣皆天下名賢可備任
用章入言滋不悅激帝怒降旨切責令陳狀賢上疏
自明竟謫山東布政司都事諸與名者皆奪俸賢尋
以父老自免歸歸十餘年而卒賢少聞王守仁之說
心契之及官于浙遂執弟子禮與王畿錢德洪羅洪
先唐順之輩友善畿素不悅于朝責賢之謫亦以

幾故也

劉繪字子素一字少質光州人祖進太僕少御繪長
身修髯磊落負奇氣好擊劍力挽六石弓舉鄉試第
一登嘉靖十四年進士授行人改戶科給事中慷慨
自喜二十年詔兩京言官會荐達才于是六科給事
中邢如默等薦毛伯溫劉天和等二十人而故御史
段汝孺副都御史翟璣叅議王洙與馬繪上言汝孺
乃大學士翟鑾姻戚璣洙則憂言掄指如默排群議
而薦之者夫相臣挾權以通言官言官懼勢而喑公
議上下雷同非社稷之福乞罷鑾言罪如默為徇私

植黨者戒帝是其言出如默于外言適罷政鑒置不
問明年賊火入山西帝方倚程鵬辦賊而言復柄用
素惡鵬屢從中撓之繪上疏曰頃者强敵南侵陛下
特勅程鵬往督軍務可謂得人乃賊去而總督輒罷
賊來而總督復增事出倉猝計不素定非所以重封
疆完責成也今俺答方强不圖必為腹心患乃議者
謂止宜自守不可與戰以故諸邊將臣皆假按伏自
全或聊拾殘騎以報首功將士既無聞志督巡我臣
亦第布列士馬敬守要害名曰清野實則避鋒名曰
守險實則自衛且賊之入也動稱十萬而我軍散

城堡勢分力寡即泰遊所統亦無踰二三千人兵
曰心疑者北力分者弱賊每得志職此故也。自今
當任程鵬得便宜從事內閣大臣開誠布公協齊
力馳發宣大山西士馬合十七八萬人三路並舉有
進無退而京營及河間保定亦各整軍以待調發臣
謂賊衆雖多可計日平也帝壯其言令假鵬便宜得
戮都指揮以下即日之任督兵挫賊然亦竟不能出
塞也頃之勅山西巡撫劉某結納夏言及吏部尚書
許讚賄貨殃民宣府巡撫楚書酣卧弛邊併請俱罷
黜而擢用知府聶豹奏疏王儀於教使當邊寄書

由是去職繪既屢忤柄臣深憾之去為重慶知
府繪畧去威嚴專務平易近民尤作人愛士識銅梁
張佳稱于諸生時卒成就之播州永寧土官爭地相
讐革檄諭之即定上官文薦將遷擢而言再入政府
修故怨屬其黨論罷之重慶人為立祠繪歸蓋治林
泉放情詩酒時與少年射獵熊山下素喜譚兵以不
得一試為恨居家二十年卒子黃裳豪邁有父風舉
萬曆十四年進士歷兵部員外郎倭陷朝鮮侍郎宋
應昌來征命黃裳督軍務黃裳督軍渡鴨綠江慨
然拊將士曰此汝曹封侯之地也既抵平壤大敗

兵賊遁黃裳率衆追逐又連破之錄功進郎中以
歸久之卒

論曰璵瑒既得志助鎡革復附之勢亦壯矣諸臣不
畏強禦危言激論相屬不絕雖屢經排斥而丰稜彌
厲可不謂之烈士乎且其謙直之言未嘗不稍見採
納有補于時則諸臣亦未為不遇也吁抑幸矣哉